

РУСКИ НОВИНИ

ЗА РУСНИХ У ЈУГОСЛАВИЈИ

„Руски Новини“ виходева кажди гн-
даень. — Предплата на рок 55 Дин.
Адреса: „Руски Новини“ Р. Керестур.
Число Чековног рахунку 59-356.

Видава: Руске Нар. Просв. Дружтво
За редакцију одповеда: Мих. ФИРАК.

Пред 25 роками.

(АВГУСТ 1914 РОКУ.)

Атентат у Сараеву 28 Јуна 1914 року, у котрим од куљки атентатора Принципа погинул австријски престолонаследник Франц Фердинанд, започал нову добу в историји швета. Наслідки були не лем милиони забитих, милиони вдовицох и дзешатки милионох у штирирочней шветовой войны ошироцених дзцох, але и цали несигурни и немирни повоени час, котри по войны пришол а котри тераз постал найчежши и як полни електрики. Зато баш тераз добре будзе припомнуц тоти дні и події пред 25 роками, дні по сараевским атентату, у котрих вибухнул страшни шветови огонь.

ПО САРАЉСКИМ АТЕНТАТУ.

У перших дньох по сараевским атентату у Европи як да завлада мир. Як да ше ніц не стало. Австријска влада за даскельо тижні водзела слідство, да пренайдзе виновнікох. Немецки цар Вилгелм цалком мирно пошол ше вожиц по морю. Робели лем европски дипломати (медзинародни политичаре) и усилували ше препречиц войну. По трох тижньох слідства Австрија почала твердиши же за дубојство у Сараеву виновата Сербия и ей влада, котра за шицко знала, а не сцела препречиц. Дня 23 Јула послала Австрија до Београду вимогу, да австријски судийове водза у Сербии слідство за атентат и да Австрија контролюе, цо ше у Сербии збива. Сербска влада одруцела тоти австријски жаданя. Теди ше Австрија одлучела вдериц з войну на Сербии, але ведно зос Немецку старала ше, да ше тота война далей не розшири.

АВСТРИЈСКИ УЛТИМАТУМ.

Так 28 Јула у Бечу видала австријска влада таку историчну одлуку:

«На темелю решеня Його Царского и Кральовского Величества од 28 Јула нешка послато сербскей влади обяву войны. Тота нота (письмо) така: «Прето, же сербска кральовска влада на письмо австријского посланика у Београду од 28 Јула не дала задовольну одповед, цесарска и кральовска влада примушена сама ше остарац за сигурносц своїх правох и интересох и прето ше поволуе на моц оружия. Прето Австро-Мадярска од тераз трима себе у войним стану зос Сербии» Подписани: Ц. и К. министр заграничних справох гр. Берхтолд

Тей истей години, як тото письмо було вислате до Београду, цар Вилгелм послал до Петрограду цару Николаю таки телеграм: «Ти и я, и шицки владаре маю интерес, же би тоти, котри закривели гевто гадне убойство у Сараеву, були достойно покарани. Паметам на сердечне приятельство, котре нас уж роками вяже и силуем ше нагвариц Австрию, да ше зос Русии порозуми. Наздавам ше, же ми у моих стараньох поможеш.»

КИРВАВИ ТАНЕЦ ПОЧАД.

Але цар Николай не послушал Вилгелма. Русия преглашела мобилизацију. Як наслідок того Немецка 1 августа обявела Русии войну и ей армия вошла до нешкайшей Польскей. Немецка ше обрацела на Французку, приятельку Русии, най ше вона не миша до немецко-московского спору и най остане неутрална. Кед Французка на то

НАЙВАЖНЕЙШЕ ПИТАНЕ У ЕВРОПИ.

Без Данцигу мира не будзе...

Немецки новини в нагоди догвареня немецкого министра Рибентропа вос талиянским министром вонкашних справох грофом Чияном у Салцбургу пишу, же главна справа, о хторей ше министри развели, бул Данциг. То главне питане у терашней Европи

и жридо немира и страху пред войну. И дармо ше Англия и Французка силоу докажа, же Немецка сце подложиц себе держави югосточней Европи, бо Немецкей стало тераз лем до ушореня Данцигу, то ест да ше вон соедині в Немецку. Так пишу Немци.

Цо др. Мачек признава.

„Обзор“ од 14 августа пише: „Цо ше тиче хорватскей страни, познато, же д-р Мачек виявел, же признава державни граници, монархию, династию Караджорджевича, едно министерство за войско и за вонкашні спра-

ви. Д-р Мачек тиж виявел, же за тераз не пита, да ше терашні Устав меня. А на остатку то уж ніяка тайна, же д-р Мачек пристал, да ше даздни справи, у котрих ше до тераз споразум не постигнул, охабя за познейше.“

Немци ше готую — Поляци исто.

В Немецкей приходза висти о дальней мобилизацији. Гитлер дал поволац под оружие нових пол милиона резервистох. У берлинскей округи пописани шицки авта за потреби войска. У восточней Прускей наново видано строги розказ, же косидба и тлачидба маю буц готови до 15. августа, а при самей польскей граници уж од 10. августа. У

Немецкей ест тераз под оружииом 2 и пол милиона воякох. — Немци (и Талияне) думаю нагло нападнуц на неприятеля (на Польску) и за два три дні ю окуповац, слично як Немци окуповали Ческу, а Талияне Албанию, Поляци на то одвитују, же вони не Албанци а и не Чехи и не буду чекац вос спущенима руками, да им Немци вежню тото, цо каждому народу на жеми наймилше: чесц и шлебоду.

не пристала, 3 Јула Немецка преглашела и ей войну, ей войско прешло французку границу, а другоготого дня рано Немци вошли и до Белгии, да зос севера вдеря на Французку. На то Англия на 11 годзин вноци обявела войну Немецкей.

Дальши події розвивали ше барз швидко. Дня 6 августа Австрија обявела войну Москви, а Сербия Немецкей, 7 августа Чарна Гора Австрији, а 9 августа Немецкей, 12 августа Французка и Англия Австрији, 23 августа Японска, союсница Англији обявела войну Немецкей, 25 августа Австрија Японскей, а 28 Белгии.

Так ше почал страшни кирвави танец, огонь облапел скоро цали свет. Проти 105 милионох народу Немецкей и Австрији станул у мешацу августу пейцрази моцейши процивник и його чиселносц непрестано зростала.

ВОЕНИ ПЛАНИ.

Як ше розвивали події на фронту?

Вовни план Австрији и Немецкей бул таки, же таковой у початку Немецка нагло вдери зос цалу свою силу на французку, звлала ю, а вец ше руши на Москву на помоц Австрији, и война мала буц фришко готова. Англия и Французка зац раховали, же война задагне длузей, Немецка и Австрија буду зос шицких страхох окружени и блоковани, да не доставаю нїодкадзи помоц, ані у оружию, ані у доживи. Так ше вони фришко витроша и муша ше придац.

НА ФРОНТОХ.

З початку видатрало, же Немецка и Австрија зисца свой план. У мешацу августу щесце на фронтох було на их страни. Але познейше ипак борба ше оцагла. Французи становели побидоносну немецку армию уж пред самим Паризом и у битки надрику Марну одруцели Немцох дакус назад. Австрија не помогла доволно Немцох у

французкей, бо не сцела вериц, же од побиди у Французкей одвисна и победа у Русии. А заш Французи указали таки odpor и храбросц, на яку Немци не раховали. Почала ше штирирочна война у декункох без векших пременкох. Аж кед ше 1918 року умшала до войни и Сиверна Америка и помогла Французом и Англиином, централни держави (так волали Немецку и Австрию, бо вони були в центру Европи) були навладани и прц тим ше Австрија цалком розпадала.

Побидна Антанта — Англия, Французка и Италия диктовали мир. Американски президент Вилсон преглашел право самоодредзеня народох, то ест право каждого народу, да ма свою власну державу. На тим темелю думал вон основац нови мир. Але у мировних догваркох у французким варошцу Версаю тоти Вилсоново точки о самоодредзеню народох не були точно и праведно потримани и ми ето по 25 рокох немирного миру жнме тераз у часох, котри барз слични августу 1914 року.

Лем тераз беда и церпеня войны ише у свижим спомину, та ест надія, же ше ані една держава не усудзи перша заочац войну, котра би була вельо страшнейша од прешлей.

Бо од шветовой войны швет лем у єдним «напредошал»: наоружаню и мержни. То жалосна и страшна правда!

Кирвава борба на польско-словацкей граници.

В ноци од недзелі 13. августа на пондзелок 150 Украинцох, Словакох и Немцох сцели сцекнуц з Польскей до Словацкей. Польска стража штреляла на них уж кед прешли до Словацкей и не були на польской територии. За тераз явено, же ест 25 рангитих, а напевно було и мертвих. Пре тоту подію може настац вельки спор медзи Словацку и Польску.

